


Class 603 - Set Piece for Students aged 15 to 20 Years

Lé R'nouvé par Elie (E.J.Luce)

Les poètes, tch'ont le g'veux longs,
- Et l's ongl'yes étout! -
Vont, s'pronm'nant par les vallons,
Êcouter l'chant des p'tits mouossons,
Et l'bourdonnement des p'tits bourdons,
Tchi volent partout!

Nou les vait l'long des fôssés,
Fâisant lus teurs,
Examinnant, entre lus dés,
Les preunmié fielles tchi poussent ès bouais
Et s'fâisant ma auve les pitchets
Du geon en fleur.

l' s'en vont par les côtis,
- S'y trébutchant! -
Espéthant d'trouver des nids
Dans les g'nêts déjà flieuthis
Et d'en faithe dé bieux êcrits
En les rînmant!



Go to the Learn Jèrriais website to find the audio version of this...
www.learnjerriais.org.je

